



<County: Yorkshire North Riding>

<Code: L1034>

<MS reference: Northallerton, North Yorkshire County Record Office, ZQH1>

<Text: Grant of food rights>

This jndentur beris wittnes y^t richard Cleruaux of Croft Skwier~ has graunttyd
to wullam Cabery of Croft his yhoman~ for his gude *seruys* y^t he has down to his Elldis
& hym mete & drynk & clothyng whenn he gevyssse chethyng to his yhomen and
in y^e same forme as yay haue for terme of ye lyue of y^e forsaid wullam & ye for
said wullam sall com into his place & sit w^t his yhomenn at ye+mete & far~ as
thy do als lang as he may cum to his mete & yf he haue seknes y^t he may+nott
cum to his mete & his drynk it sall be sentt to hym~ resnabely & he send for hit
& yf it so fall y^t ye forsaid Richard ses of his lyue or wull dwell in oyer plas
whar~ hym~ lykys better he & his Ayrse sal gyff to ye forsaid wullam for terem of
his lyue euere day a pene In wittnes her~-of ayther~ part Enterchangeabill
puttis to yar~ sealles writtyn~ at Croft onn pallme sonday y^e 3er~ of our~ lord
kyng henry y^e sext efter y^e conquest of yngland twenti & sevyne